

兵部則例




兵部則例

武庫清吏司

軍器

一軍器通例

國初定軍器由部定式移文工部製造按名給發仍令該管官隨時稽察有損壞者修整補製如有盈餘器械留營以備增補朽敝者悉行銷毀○順治五年定八旗甲兵需用甲冑軍器移文工部造給或給銀令其自製直省兵丁需用鎧仗動支本地錢糧造給報部覈銷其守護



陵寢兵丁。及八旗新滿洲。寧古塔新滿洲人等。應給弓箭甲冑等項軍器。該管大員奏準咨部。弓箭由部給發。甲冑等項。由部轉行工部造給。○又議準。官弁製造緊急軍器。不依限完竣。以致遲誤者。草職若遲誤預備軍器者。降一級調用。○雍正元年奏準。官兵將軍器質當者。官。草職。兵。鞭。一百。草退。軍器追繳還官。失察之該管官。罰俸一年。○五年覆準。官兵遇升遷事故。其本人舊有軍器。繫動官銀置備者。給與頂補之人。若本人自備者。除官員軍器。聽其自便外。兵丁軍器。

該管官。視其器械之利鈍。酌量定價。給新補之兵。即將新補兵丁名下。應領錢糧。陸續扣給原主。○六年奏準。官兵將軍器私賣者。皆草退。交刑部治罪。失察之該管官。罰俸一年。○乾隆十五年

諭。八旗官兵器械闕少者。均咨部官為造給。器械內弓箭尤為緊要。惟賴不時整理。善為收貯。從前兵部八旗都統會議訓飭八旗官兵。將器械善為收貯。曾經奏準施行。今都統等或因日久廢弛。不以為事。亦未可定。着再行傳諭。務遵原奏。留心訓飭。

稽察欽此。

一盃甲之制。原定以鐵二片。製如帽形。上銳下平。合而成之。曰盃。高五寸。圍圓一尺九寸。其合縫處。壓以鐵梁。曰盃梁。為盤於盃之上。曰盃椀。徑一寸六分。高一寸二分。圍圓五寸。安管一。長二寸。圍圓一寸。為盤以繫纓。曰槍盤。圍圓五寸五分。盃槍一。作葫蘆形。長三寸六分。槍刃。長四寸。垂於項後者。曰護項。垂於兩耳者。曰護耳。護耳之下。曰護頸。均以布為表。或用綿段。或施絲繡。無定式。傅以鐵葉。護項用鐵葉九。護耳二。用鐵葉

各六。護頸同。馬兵鐵甲。甲衣長二尺二寸。幅四。每幅上廣六寸五分。中廣九寸。下廣尺有一寸。護肩二。各長尺有一寸。廣尺有三寸。袖二。各長尺有二寸。上圍圓尺有二寸。下圍圓九寸。護腋二。各長一尺。上廣九寸。凹其中。以承腋。其末銳。遮襠一。方八寸。左襠一。方六寸。甲裳長二尺六寸。幅二。每幅上廣尺有二寸。下廣尺有五寸。均以布為表。官用錦段。施絲繡。無定式。甲衣用鐵葉百三十有六。每葉長二寸五分。廣二寸。甲裳用鐵葉百十有六。護肩甲袖。護腋。遮襠。左襠。五處。均用小鐵

頁。長一寸六分。廣一寸四分。步兵甲衣。長二尺。甲裳。長二尺六寸。間有無裳者。餘同。○順治十七年。奉

旨。領侍衛內大臣。都統。盈頂。已有定制。仍令上插鷓鴣。下垂貂尾。餘皆着去貂尾。定議具奏。遵

旨。議準。親王。郡王。盈。用起花金頂。嵌松子珊瑚寶石者。聽。不得擅用東珠。下垂薰貂二十四條。爲纓。貝勒。貝子。盈。起花金頂。纓同。入八分公。盈。插蜜鼠尾。領侍衛內大臣。都統。盈。插鷓鴣二。作燕剪形。均垂貂尾。在內大臣內行走之民公。侯。伯。和碩

額駙。郡主。額駙。散秩大臣。盈。均插蜜鼠尾。垂紅纓。隨旗行走之民公。侯。伯。統領。副都統。盈。均插獬尾。垂紅纓。上三旗侍衛。鑾儀衛官。盈。槍。插豹尾。下五旗王府長史。護衛。典儀。盈。槍。插狔獬尾。垂紅纓。王府長史。垂黑纓。驍騎營叅領以下官。盈。槍。插獬尾。垂紅纓。領催。驍騎均垂黑纓。前鋒。護軍營叅領。副叅領。侍衛。盈。槍。插獬尾。垂黑纓。前鋒。校。護軍校。前鋒。護軍。均鐵頂。垂紅纓。○康熙五年。題準。八旗驍騎。甲。以繡布爲表。各如其本旗之色。八旗護軍校。前鋒。校。甲。以白繡段爲表。護軍。前鋒。

甲。以藍布爲表。侍衛、護衛及護軍前鋒甲裳均用明甲。施鐵葉於外曰明甲。○又定直省各標營督撫提鎮。盔槍插鷓翎。下垂貂尾。副將以下。盔槍飾獼尾。下垂紅纓。馬步兵盔槍。鈇頂紅纓。製甲之式與八旗同。○雍正十一年奏準。官員盔甲區爲三等。一二品官爲一等。盔之護項、護耳、護頸、甲衣前後、甲裳左右、護肩、護腋、遮襠、左襠、共繡團蟒十有五。三品至五品官爲二等。繡團蟒十有一。護腋及遮襠、左襠不繡。六品至八品官爲三等。甲衣、甲裳、護肩、繡團蟒六。餘均不繡。按等定

價。令工部軍需局製造。

一。弓箭之制。原定弓胎用榆木。南方有削巨竹爲之。取材之法。視竹木之理。平正端直。無事於矯揉。而自中繩墨者。則張而不跛。胎長三尺五寸。其面傅以牛角。其背加以筋膠。胎一而角兩接。接處用鹿角一塊。固以筋膠。加煖皮於外。曰弓靶。兩梢以桑木爲之。各長六寸三分。刻鏤其末。以受弦。彊。梢與胎。闕筍相接。而光削一面。以傅角。兩梢繫彊處。削小圓木。釘於角端。曰弓墊。弦。或用鹿角。弓弦有二。一曰纏弦。用蠶絲二十

餘根爲骨。外用絲線橫纏以束之。纏線約分三節。隔七寸許。空一二分不纏。則不張弓時。可摺三疊而收之。一曰皮弦。剪牛皮爲之。用於戰陣。弓力強弱。視胎面之厚薄。筋膠之輕重。以爲斷。一力至三力。用筋八兩。膠五兩。四力至六力。用筋十四兩。膠七兩。七力至九力。用筋十八兩。膠九兩。十力至十二力。用筋一斤十兩。膠十兩。十三力至十五力。用筋二斤。膠十二兩。十六力至十八力。用筋二斤六兩。膠十四兩。箭杆以楊木柳木。樺木爲質。取圓直之杆。削成之。別用數寸之

木。刻槽一道。曰箭端。箭杆必取範於端。以均停其首尾。刻銜口以駕弦。曰括。其端受鏃。凡鏃。冶鐵爲之。曰透甲鏃。曰柳葉。曰眉針。皆戰箭。曰鑿子頭。曰披子。曰菠菜。曰菱葉。曰艾葉。曰月牙。曰狼舌。曰燕尾。曰雞心。曰兔入。皆田獵箭。施於教閱者。曰髀箭。以寸木空中。鏃眼爲竅。矢發則受風而鳴。又鐵鏃上。加骨角小哨者。謂鳴鏃。又謂之響箭。各剪羽翎三條。膠粘於箭括之上。曰箭羽。○順治二年題準。每年秋季。於昌平密雲二處。採弓胎。弓稍萬副。需用樺皮。於寧古塔採取。

令司弓一人。率每旗匠長各一名。匠人各二名。前往驗採。○又定。兵部設箭匠十名。以造官箭。八旗每佐領下。各設弓匠一名。製造官弓。○康熙六年題準。官弓。交八旗司弓製造。採伐弓胎。於八旗內。選諳練司弓一人。每旗委弓匠長一人。弓匠十名。各乘官馬。領四十日行糧。每年伐弓胎。弓稍。五千二百副。武備院。選取二千副。每旗。分給四百副。以備製造官弓之用。仍令鄰近驛站。支車運送至京。其採取弓胎。如不敷用。具奏增採。寧古塔將軍。隔一年。選委官兵。採取樺

皮。七萬二千二百張。以備用。○又題準。製造官弓。繫軍前應用者。由部選取。委官解送。繫各省支取者。由各該處委官。同該旗司弓等。選給。至直省督撫提鎮。駐防將軍。都統。副都統。及武狀元等。應賞給官弓。均由部行文八旗。領取給發。○十九年題準。造箭。務要箭心堅長。手鑽安釘。如草率造作。將匠役治罪。○又議準。匠役製造弓箭。擅改式樣。售賣者。鞭五十。所造之物入官。○雍正五年議準。青鶴翎。一等。每箭五枝。價止一兩八錢。二等。一兩六錢。三等。一兩四錢。蟬鷲

翎一等。每箭五枝。價一兩七錢。二等。一兩五錢。三等。一兩三錢。鷓鴣翎一等。每箭五枝。價一兩四錢。二等。一兩三錢。三等。一兩。鶴翎一等。每箭五枝。價一兩。二等。八錢。鵝翎一等。價七錢。二等。六錢。芝麻鵬戰箭。每百枝。價八兩。雁翎。每百枝。價五兩。定價之後。舖戶有任意高擡時價者。照把持行市律治罪。

一旗。纛之制。原定八旗。旗纛各以本旗之色爲辨。滿洲都統纛。方幅。惟鑲黃。鑲白。鑲紅。鑲藍。左幅稍銳。各長五尺七寸。廣五尺。繪龍。竿長丈有

二尺。鐵頂朱髦。惟正紅旗。用黑髦。蒙古漢軍。都統纛。同。佐領纛。方幅。長四尺二寸。廣五尺。不繪綵。竿長丈有二尺。髦頭色黑。領催小旗。長一尺五寸。廣一尺八寸。竿長五尺。八旗同式。而於鐵頂稍異其製。以示別。護軍營纛。各如其本旗之色。裁方幅爲三角。邊作火燄形。直長五尺五寸。斜長七尺三寸。繪龍。竿長丈有二尺。鐵頂朱髦。正紅旗。用黑髦。護軍校。小旗。三角。直長尺有二寸。斜長二尺三寸。竿長五尺五寸。八旗同式。而於鐵頂稍異其製。以示別。前鋒營旗。方幅。長二尺三寸。廣尺有

八寸。繪飛虎。竿長六尺。頂插豹尾。髦頭色赤。火器營旗。護軍。驍騎。各如其本營之式。加白號帶以別之。直省標營大纛。均裁方幅。為三角。直長五尺八寸。斜長一丈。邊作火燄形。或繪雲蟒。或繪飛熊。隨地異製。無定式。鐵頂朱髦。什長旗。三角。直長二尺三寸。有奇。斜長三尺八寸。邊作火燄形。鐵頂朱髦。此外有先鋒旗。督陣旗。門旗。令旗。稟事旗。均隨營異製。大帥旗。以黃布為之。方幅。廣丈有八寸。長丈有四尺。兩面大書帥字。號帶一。長丈有五尺。廣一尺。竿長丈有六尺。刻木葫蘆為頂。○乾

隆十七年奏準。旗纛繫兵丁所瞻視。舊制各省駐防將軍。都統。副都統。補授時。即照其人本旗旗色。由工部造給旗纛。如有改授。即應更換。不惟繁冗。且於瞻視亦無準則。嗣後將各省將軍。都統。副都統。分定鑲黃。正黃。正白。三旗旗色。盛京。西安。江寧。京口。綏遠城將軍。天津都統。熱河副都統。皆用鑲黃旗色。船廠。寧夏。青州。杭州。福州將軍。歸化城。右翼都統。山海關副都統。皆用正黃旗色。黑龍江。涼州。廣州。荊州將軍。歸化城。左翼都統。成都副都統。皆用正白旗色。各將軍

兼轄之副都統。各視將軍都統旗色。

一給發軍器。順治五年題準。馬兵每名各給甲一。胄一。橐鞬一。弓一。箭四十。腰刀一。步兵每名各給甲一。胄一。腰刀一。其步兵弓箭手給弓一。箭三十。長槍手給長槍一。鳥槍手給鳥槍一。直省兵丁器械照此例給發。○康熙六年題準。八旗世爵暨文武官各備甲一。胄一。弓二。橐鞬一。腰刀一。其箭數視品秩之大小以定等差。公五百五十。侯五百。伯四百五十。子四百。男三百五十。輕車都尉二百五十。騎都尉二百。雲騎尉百。

五十。武官一品至五品視子男以下。六品以下官均一百。文職一二品與子男同。三品京堂視武職二品官例。四品京堂。科道。郎中視三品官例。員外郎視四品官例。營兵護軍前鋒領催各七十。驍騎各五十。世爵官大於爵者照官職箭數。爵大於官者照世爵箭數。直省督撫提鎮及武職副叅以下各官應備弓矢甲胄各按品級定數與八旗武職同。○三十年設八旗火器營。每佐領下設鳥槍護軍三人。鳥槍驍騎四人。鳥槍前鋒一人。各給鳥槍一桿。滿洲八旗每旗各設

子母礮五位。其餘大小銅鐵礮位。均分貯於漢軍八旗礮局內。鑄造槍礮見工部○又定八旗驍騎營。

護軍營。每佐領下。驍騎二人。合給長槍一桿。護軍二人。合給長槍一桿。八旗驍騎營。每佐領下。各設海螺一。每叅領下。各設海螺二。護軍營。每旗。各設海螺三十有六。前鋒營左右翼。各設海螺八。火器營八旗。每旗設隨礮海螺各五。八旗鳥槍護軍。鳥槍驍騎。海螺。每旗各十有四。漢軍鳥槍營。每旗設鼓一。金五。礮營。每旗設鼓一。金五。藤牌營。每旗設海螺各五。每旗設藤牌手百。

名。每名。各給藤牌一。副刀一。每旗設挑刀手五十名。各給挑刀一。漢軍八旗。每佐領下。各設鹿角一架。連韃棍四副。每鹿角一架。設綿甲兵四名。每名。給連韃棍各一副。○又定八旗及京城各門。直省標營。存貯火藥。防範宜嚴。令該管大員。簡選所屬賢員。率兵守護。○五十五年題準。城上直班官。黃夜。私移城上備用火藥者。革職。其同班官。不行攔阻者。罰俸一年。○五十六年覆準。福建省。舊有城寨之處。準設立礮臺。○又覆準。廣東沿海。設立礮臺。於每年正月。九月。委

就近文職。會同該營官弁。每礮。演放十餘次。具報總督察覈。○雍正二年題準。城上貯火藥屋。步軍統領。隨時巡視。有閑人在近行走者。看守官革職。兵鞭一百。革退。○又定。兵丁將所領火藥私賣者。革退。交刑部治罪。失察之該管官。罰俸一年。該管大員。罰俸六月。○又定。各營收貯大礮。鳥槍。隨時演放。毋致鏽蝕。○三年奏準。官貯火藥。擅行棄毀者。官革職。兵鞭一百。至三百斤以上者。無論官兵。均革退。交刑部治罪。若遺失及

誤毀無多者。官罰俸一年。兵鞭五十。至三百斤以上者。官降一級。兵鞭八十。其闕少火藥。均着追賠。○五年

諭。各處營伍。所習武藝。所用器械。操演隊伍。向來原無一定之制。是以武弁到任。往往以己所好尚。及素所熟習者。操演所屬兵丁。間或學習未久而接任官。又別有意見。將從前所習者。更改調換。是兵丁之技藝。每視該上司之去留。以爲轉移。非訓練專精之道也。凡事久則熟。熟則生巧。宜令各省將軍督撫提鎮。因地制宜。酌定規制。永遠遵奉。除騎射最爲緊要。天下

通行學習外。其餘各種演習。悉着該上司。會同通省官弁。細心斟酌。應如何操練。用何軍器。詳悉定議。奏聞。令各營永遠遵行。接任官。不得擅自更改。倘將來有應行變通之處。着具題請旨。如此。兵丁各精其業。且使一省之中。彼此畫一。將來或有調遣會集之處。正可相資爲用。於訓練營伍。大有裨益。欽此。○又奏準。舊例。各省每兵千名。設立威遠礮四位。子母礮六位。今除

盛京。船廠。黑龍江。三處。子母礮百位。照舊設立外。其餘直省子母礮。盡行解部。別製衝擊便利之

礮。總以兵千名。設立礮十位之數爲準。再沿海沿邊。及水師戰船。并直省守護城池。緊要隘口之礮。仍舊存留。至小口。戍兵無多。礮應撤回。存貯督撫提鎮駐劄地方庫內。遇有需用。臨時酌發。○又議準。官兵所用軍器內。烏槍一項。能衝銳折堅。最爲便利。如腹內省分。地勢平坦。利用弓矢。至沿邊沿海省分。山深林密。利用烏槍。應將腹內省分。每兵千名。設烏槍三百桿。沿邊沿海省分。每兵千名。設烏槍四百桿。該營官弁。務須操演純熟。該提鎮。不時考驗。如並不精練。將

該營官弁題叅○又議準。山東省各鎮協營。應用軍器。如大礮。鳥槍。弓箭。長槍。大刀。藤牌。均係各營通設之械。每兵一百名。分作十分。鳥槍五分。弓箭三分。藤牌一分。長槍一分。此外別設礮手。專演發礮。均令依法操演。不得擅爲更換○又議準。河南省滿漢各營軍器。駐防八旗兵。設有馬步弓箭手。鳥槍手。子母礮手。長槍手。督標左右兩營。設有馬步弓箭手。鳥槍手。藤牌手。礮手。大刀手。河北鎮標九營。各設有馬步弓箭手。鳥槍手。礮手。護礮片刀手。南陽鎮七營。各設有

馬步弓箭手。鳥槍手。礮手。護礮片刀手。藤牌手。各營軍器。雖有無不同。而緊要通行者。已無不備。仍令永遠演習。不得更換○六年議準。直隸省各營器械。弓箭。礮位。鳥槍。及三眼槍。大刀。長槍。藤牌之屬。均隨時演習。但地勢之險夷不同。軍器之利用各別。除騎射鳥槍礮位。永遠畫一演習。至藤牌。於宣化鎮。平陽之地最利。應以該鎮向設之。三眼槍。大刀。長槍。改換藤牌。紫荊關。鳥槍甚少。應以該鎮向設之。大刀。改換鳥槍。其餘仍按舊設軍器。勤加訓練○又議準。晉省多

崇崗峻嶺。地屬沿邊。每兵百名。分作十分。以四分演習鳥槍。六分演習弓箭。別設礮手。專演大礮。唯殺虎協。舊有藤牌手三百名。仍令演習。其餘副刀。長槍之屬。悉令改為鳥槍。弓箭。永遠畫一演習。以期熟練。○又議準。江南。江西。水師各營。所用軍器。槍礮。弓箭之外。如大刀。藤牌。鈎。鐮。槍。過船槍。鉞。斧。標槍。鐵彈之屬。均為水營利用之器。毋庸議改。其陸路各營。有設三眼鏡。長槍。而無藤牌者。按三眼鏡。不能致遠。長槍。遇險狹之地。不能旋轉。任意。應將三眼鏡。改為鳥槍。長

槍。改為藤牌。俾器械畫一。永遠遵奉操演。○又議準。福建省。陸路各營。每兵一千名。分為二十隊。馬上弓箭手四隊。步下弓箭手二隊。鳥槍十隊。礮手一隊。藤牌一隊。大刀一隊。長槍一隊。各營兵數。多寡不齊。照此遞為增減。水師戰船。大趕繒船。設兵八十名。設排槍四十二桿。中趕繒船。設兵六十名。設排槍三十桿。小趕繒船。設兵五十名。設排槍二十五桿。大艍船。設兵三十五名。設排槍十六桿。中艍船。設兵三十名。設排槍十六桿。小艍船。設兵二十名。設排槍十桿。仍各

備火藥彈子火礮火箭之屬以資利用○又議
準。浙江省各營。每兵一千名。分爲二十隊。礮位
一隊。長槍五十爲一隊。鳥槍四百爲八隊。弓箭
三百副爲六隊。藤牌一百爲二隊。片刀一百爲
二隊。永遠遵奉操演○七年議準。陝西。四川。二省
各營兵丁。除礮位。鳥槍。弓箭。通行演習外。其馬
兵。弓箭手。兼習槍棒。守兵。兼習副刀。藤牌。令提
標守兵二百名專習○又議準。廣東省各協營。
每兵百名。設弓箭手二十名。各佩腰刀。兼習雙
刀。長槍。鳥槍手五十名。各佩腰刀。藤牌手十名。

執牌刀。挑刀手十名。礮手十名。永遠畫一演習。

○又議準。滇。黔。粵。三省各營。每兵一千名。內以
百名。操演大礮。兼習牌刀。以六百名。習鳥槍。以
二百名。習弓箭。以百名。習藤牌。其不足一千名
營分。亦照此數遞減分派○十年議準。閩省。水
路則海面遼濶。陸路則山深箐密。鳥槍一項。最
爲利用。於定例每兵千名。設鳥槍四百之外。再
增鳥槍百桿○十二年議準。火藥關係緊要。必
須預備。方爲有益。督撫提鎮。將所轄各營。酌量
每年應用之數。動公費製造。潮濕地方。預備三

年。高燥地方。預備五年。加謹收貯。每年所用火藥。即於收貯數內動支。仍照動支數目。製造貯庫。出陳易新。按年造冊報部。該管官如遇升遷。事故離任。照倉庫錢糧例交代。若虧闕及不堪應用者。責令專管官賠補。仍罰俸一年。該管上司。罰俸六月。○乾隆元年議準。民間不許製鳥槍。其鄉村險僻之處。防虎防盜。鳥槍在所必需。各該省督撫。確察各州縣內。有實在應用地方。照兵丁鳥槍式樣製造。書鑿姓名。具呈地方官。編號記冊備案。如非應用地方。有私藏。或私造。

售賣者。將私藏私造之人。責四十板。鳥槍入官。失察之該管官。罰俸一年。若兵丁有借稽察鳥槍。擾害民間者。草糧。該管官。罰俸一年。○五年議準。滇黔二省。地多山箐。陰雨不常。弓箭。一遇潮濕之時。險仄之地。不能應手施展。唯弩弓以木為質。其力最勁。為行軍之利器。令弓箭手各兼習弩弓。以資利用。○十一年議準。兵丁操演。所需鉛藥火繩。應動用工費。但各營動用。議有定數。若操演之時。或因兵施放生疎。欲令多放數槍。則此項鉛藥火繩。須兵自備。因而該管官。恐

兵無力。不免草率了事。終於不能純熟。嗣後槩動公費製給。以便多為演習。○十五年議準。湖廣武昌鎮。前後水師二營。地界川江。水操弓箭。技有難施。惟鳥槍極為便利。照沿邊沿海省分。每兵千名。設鳥槍四百。

一簡覈軍器。順治五年題準。每年秋季。奏請點驗八旗護軍營。驍騎營器械。春季。奏請點驗鋒營。步軍營器械。令該管官。互相稽察。○又定。點驗軍器。若盔甲。弓箭等項。全無者。繫官。草職。兵。鞭一百。草退。軍器虧闕。及箭上無字。並書他

人姓名者。官。罰俸一年。兵。鞭五十。軍器朽壞者。官。罰俸兩月。兵。鞭二十。如所屬官兵。有盔甲。弓箭等項。全無。及軍器闕少。或朽壞者。一名至五名。該管都統等。罰俸三月。叅領等。罰俸六月。六名至十名。都統等。罰俸六月。叅領等。罰俸九月。十名以上者。都統等。罰俸九月。叅領等。罰俸一年。二十名以上者。都統等。罰俸一年。叅領等。降一級。留任。三十名以上者。都統等。罰俸二年。叅領等。降一級。罰俸一年。至佐領。驍騎校等。所管兵數無多。有軍器闕額朽壞。一名至三名者。罰

俸六月。四名至六名。罰俸一年。七名至十名。降一級留任。內府及王公府屬佐領管領下。有十名以上者。降一級。罰俸一年。二十名以上。降二級留任。○雍正元年奏準。游牧八旗察哈爾官兵軍器。由部越一歲。開列滿洲蒙古都統。統領副都統。職名奏請。恭候

欽點一人。前往稽閱。○十年議準。直省各營軍裝器械。屬督撫所轄者。督撫委官盤察。提督所轄者。提督委官盤察。皆取本營並無闕少。及委官並無捏飾。印甘各結存案。各於年底保題一次。至

於各鎮。有屬督提統轄者。由該鎮委官盤察。取印甘各結。并加具保結。送督提察覈。於年終保題。若無督提統轄。各該鎮委官盤察取結。亦於年終保題。其保題之時。各將所屬軍裝器械數目。分晰標營造冊。并保結。送部察覈。如保題之後。仍有闕少。將從前盤察之官。罰俸六月。督撫提鎮。罰俸三月。倘委官明知闕少。扶同捏結。報稱並無闕少者。降三級調用。○又議準。各營軍裝器械。以都守為專管官。副叅游為兼轄官。若無故闕少。經督撫提鎮題叅。將專管官。罰俸一

年。兼管官罰俸六月。照數分賠。繫兼管官察出揭報者免議。止令專管官獨賠。均限六月賠完。如逾限不完。將專管官住俸。兼管官停升。俟賠完之日開復。若繫兵丁闕少。經該管官察出揭報。追補足額者免議。至於新舊各官。將軍裝器械限一月交代。如無闕少。新官造冊出結。詳明督撫提鎮。年底報部。若交代之時。舊官推卸不交。新官勒索不受。均照交代遲延例。分別議處。至病故官弁。闕少軍裝器械者。繫兼管官病故。若落專管官獨賠。專管官病故。若落兼管官獨

賠。倘專管兼管官一時病故。若落從前未經察出之專兼各官分賠。其闕少各數。果繫年久朽壞。出師闕損。及因公動用者。準動公費製備。免其議處分賠。倘有借端科累。兵弁製備者。照因公科歛例議處。○又議準。督撫提鎮將營中盛甲。弓箭鳥槍。藤牌。刀槍。旂幟。鍋帳。鉛藥。鐵棍等項。按照題定額數製備。一有損闕。該管官即詳明隨時修整。準其動用公費。務期齊全足用。如有盈餘。擇其堪用者。存營以備增補。其朽敝者。酌量銷毀。以免竊賣之弊。○十一年議準。營中

一應軍器。遇有關損。不按時修整。及修整而收貯不謹。以致朽爛。或將預備鐵木等項。堆貯潮濕地方。以致銹蝕者。將該管官。罰俸六月。仍令照數賠補。○又議準。失火燒燬官兵房屋。盛甲器械等物者。該管官。罰俸六月。若因公他出者。免議。○又議準。大礮攻守兼資。必平時預備齊全。臨時方能得用。督撫提鎮。嚴飭該管官。將見有大礮。建置礮車。加謹蓋藏。以避風雨潮濕。每年十月間。演放一次。以防銹蝕。一有損壞。詳明動項製造。如本營未備。而別營有餘者。通融撥

取。若有蓋藏不謹。及遇有損壞。並不修整者。將該管官。照燒燬軍器例議處。○又議準。營汛兵丁。所帶腰刀。該管官不時察驗。遇有損壞。即時修整。如損壞不堪使用。及有白鐵無鋼者。將兵責革。該管官。罰俸一年。○乾隆元年議準。修補一應軍裝器械。該管官估定價值。報明。該提鎮察無浮冒。準其動用公費銀。修補完日。委官察驗。出結申送提鎮。該提鎮陸續移會布政使司。并詳督撫存案。該營於年底。將一營共計公費若干。各項開銷若干。見存若干。逐一分晰造冊。

送布政使司覈對。倘有浮冒。及與提鎮原文舛錯者。駁令覈減更正。仍詳督撫覈叅。將造冊官罰俸一年。至於差遣官兵盤費。於公費內動支者。取具各官領狀。亦照此辦理。○四年題準。各省將軍。都統。副都統。於到任時。將所屬同城親標旗營。一應軍裝器械。限兩月。委官盤驗。其外屬各營軍裝器械。限三月。委官盤驗。各保題一次。仍取具該管官。並無虧少印結。及委官。並無捏飾印結存案。於年底保題。仍將所屬各營軍器數目。造冊送部察覈。倘委盤保題之後。仍有

闕額。別經發覺者。將盤驗之官。罰俸六月。將軍等。罰俸三月。委官扶同捏結者。降三級調用。○十四年議準。營兵號衣之外。別有應差衣帽。向繫坐扣餉銀官辨。尺寸有定。各兵身材不齊。長短不能合式。且雇覓縫人。費用較多。其中不肖官弁隊長。不免扣剋染指。嗣後不必官辨。令兵自行製備。免其坐扣餉銀。該上司不時察驗。務使潔淨整齊。不至闕乏。以肅軍容。○十六年覆準。烏槍為緊要軍器。倘有年久。不堪適用者。令該管官驗看確實。準其重造。其舊槍鎔化之鐵。

加謹收貯。以備增造各項軍裝之用。○十八年
諭。八旗軍器。例應每年特簡王公大臣點驗。但歲一
點驗。殊覺繁擾。嗣後若三年一次點驗。既寬點驗
之限。臨時務宜實心察覈。不得草率了事。若朕親
閱時。軍器仍有虧闕損壞者。必將點驗之王公大
臣治罪。至點驗之年。將八旗驍騎營前鋒營護軍
營內府護軍官兵軍器。仍照例點驗外。其內府佐
領下驍騎及王公府屬兵丁軍器。皆停其點驗。欽

此



